



XUSTIFICACIÓN PARA A MODIFICACIÓN PUNTUAL DA RELACIÓN DE POSTOS DE TRABALLO DA VICEPRESIDENCIA SEGUNDA E CONSELLERÍA DE ECONOMÍA, EMPRESA E INNOVACIÓN

Unha vez aprobado e publicado no Diario Oficial de Galicia o Decreto 230/2020, de 23 de decembro, polo que se establece a estrutura orgánica da Vicepresidencia Segunda e Consellería de Economía, Empresa e Innovación, constátase a necesidade de modificación puntual dos requisitos para provisión do posto EI.301.00.000.15770.030 (Xefatura Servizo Ordenación e Coordinación) pertencente a Dirección Xeral de Planificación Enerxética e Recursos Naturais.

Aínda sendo un posto de coordinación de cuestións transversais da dirección xeral, a especificidade do sector, moi afectado por temas ambientais e de territorio, fai aconsellable perfís técnicos de escala con competencias sobre estas materias.

Cohonestar a axilidade co acerto nas tramitacións das autorizacións enerxéticas (nun momento en que apremia a implantación de enerxías renovables), esixe dispor xa dos perfís máis acidos para o desempeño do posto.

De aí a modificación urxente e illada deste posto con carácter previo á tramitación dunha nova RPT completa unha vez se resolva o concurso e se posibilite unha reorganización máis profunda e de conxunto.

Trátase ademais dunha modificación que volve a perfilar o posto cos requisitos historicamente esixidos ao dito servizo, e que non obstante foron obviados na última modificación recente e de conxunto.

MODIFICACIÓN PROPOSTA:

Modificación da praza denominada “Xefatura Servizo Ordenación e Coordinación” para abrila á administración especial da Comunidade Autónoma de Galicia.

Esta praza está aberta na actualidade á administración xeral e considerase necesario a apertura ademais a administración especial, tal como estaba antes da modificación da RPT no ano 2018 debido a dificultade de atopar perfís axeitados para súa cobertura.

As funcións que ten encomendadas segundo establece o decreto de estrutura, son as seguintes:

a) O apoio á elaboración e tramitación de anteproxectos de normas xurídicas nos ámbitos competenciais da Dirección Xeral de Planificación Enerxética e Recursos Naturais e a articulación e coordinación da participación nos procesos de elaboración de normas xurídicas de competencia doutras consellerías, da Administración estatal ou da Unión Europea relativas a/ou que incidan nos ámbitos competenciais da Dirección Xeral de Planificación Enerxética e Recursos Naturais.

b) A coordinación da aplicación uniforme das normas xurídicas en materia de enerxía e minas polos diferentes órganos da Vicepresidencia Segunda e Consellería de Economía, Empresa e Innovación, mediante a promoción da adopción e/ou difusión de





criterios interpretativos, directrices ou instrucións, en particular, respecto da interpretación e aplicación da normativa técnica, a coordinación de grupos de traballo que debatan e fixen criterios técnicos.

c) O seguimento e coordinación da participación da Comunidade Autónoma nos procesos de elaboración da normativa técnica levados a cabo en órganos nacionais ou internacionais, entre outros medios, a través da coordinación dos interlocutores de referencia que participen nos distintos órganos e comités que interveñen na elaboración da citada normativa.

d) O apoio técnico-xurídico á Dirección Xeral de Planificación Enerxética e Recursos Naturais nos ámbitos materiais da súa competencia e a coordinación de criterios e propostas de mellora respecto a aspectos procedimentais en relación cos diversos procedementos administrativos sectoriais.

e) A coordinación das relacións coa axencia Instituto Enerxético de Galicia, particularmente nos aspectos estratéxicos das políticas en materia de enerxía da Dirección Xeral de Planificación Enerxética e Recursos Naturais, así como a colaboración no deseño e desenvolvemento dos plans e programas na dita materia.

f) A coordinación, no ámbito da Dirección Xeral de Planificación Enerxética e Recursos Naturais, das relacións institucionais co Valedor do Pobo e co Defensor do Pobo, así como con outras institucións, sen prexuízo das competencias que correspondan á Secretaría Xeral Técnica ou a outros órganos.

g) A proposta e/ou coordinación de actividades e programas de formación especializados dirixidos especificamente ao persoal técnico da Dirección Xeral de Planificación Enerxética e Recursos Naturais ou, en xeral, ao persoal da dita dirección.

h) A coordinación e evacuación de consultas sobre os seguimentos de avaliación ambiental das instalacións de que sexa competente para a súa autorización a Dirección Xeral de Planificación Enerxética e Recursos Naturais, que sexan formuladas polos órganos ambientais competentes para a análise técnica dos expedientes de avaliación ambiental das referidas instalacións.

i) A coordinación e supervisión dos procedementos de acceso á información nos expedientes de que sexa competente para a súa autorización a Dirección Xeral de Planificación Enerxética e Recursos Naturais.

j) Calquera outra función que lle sexa encomendada por razón da súa competencia pola persoa titular da Dirección Xeral de Planificación Enerxética e Recursos Naturais.

As funcións que ten encomendadas e o persoal que dela depende aconsellan modificar a praza no senso de dirixila tamén á administración especial da Xunta de Galicia sen limitarse a administración xeral, co fin de atopar o perfil mais adecuado para o posto.

Santiago de Compostela, asinado dixitalmente na data sinalada á marxe

O secretario xeral técnico

